

K  
A  
T  
H  
O  
D  
I  
N  
G

Lesson 6 ading February 10, 2024



---

Topa in,  
“Mizawngte a  
neihsa kihawkkhia-  
a, mi cimawhte  
thumin tau uh ahih  
ciangin tu-in ding  
in, amau' lunggulh,  
lungmuan'na munah  
amaute ka koih  
ding hi,” a ci hi.

(Late 12:5)



---



**Late gelhpā kiim' ah gen'theihna ahihkeileh thumanlohnate-in "Jehovah, Tho-in" ci-in kiko hi** (Late 3:7; 7:6; 9:19; 10:12; 17:13; 35:2; 44:26; 74 :22; 82:8; 132:8).

**Kahna tawh kidim maitang ah, Topa in belh ding neilo mite a huu dingin gaalhaang pa bangin a ding hi** (Late 12:5); “**a niam kiat leitung**” thukhen ding le honkhia ding ahi hi (Late 76:9).

**Ama hehna hangin a om na biakbuk siangtho mun pan paikhia in Pasian in – Ama “nasep lamdang” ( Is . 28:21) – le Ama mite tungah hehpihna a nei hi** (Late 102:13).



→ **Gaalhaang Pa (Late 18).**

→ **Thumaanna:**

- **Pasian' thumaanna (Late 41).**
- **Mihingte' thumaanna (Late 82).**

→ **Sin masakna:**


- **Vanglianpa' hehna.**
- **Biakbuk (Late 99).**

# GAALHAANG PA

"Ka gaal hatpa kiangpan leh hong mudahte kiang panin kei hong honkhia hi; banghang hiam cihleh kei-a' dingin amaute hatlua uh hi." (Late 18:17)

Pasian in eite honghuu dingin vangliatna nei hiam? Himah hi (Late 18:2).

Sakol tungtuang gaalhang pa bangin Pasian in Amah mah hong kilak khiatna i muthei hi; leitung kiliing in meikhu a khusuak sak hi; a gaalte Ama vangliatna aw tawh a liinglawng sak hi; a pianzia ii vangliatnate in Ama' thaltangte bangin zang hi; tua ahihmanin Ama' tungah a kiko mite a honkhia hi (Late 18:7-18).



David in gaal a do den gaalhaang mi ahih hangin, ama siamna, ciim'na ahihkeileh gaalvante zat siamna cih te cikmah hun in muanglo hi. Ama' adingin a tawntungin gaal a do pih Pasian tungah ama zawhna khem peuh leiba in nei hi (Late 18:47-48).

Pasian ii a kician khensatna le a lianpen tehna in gim' a thuak mite ading Pasian don'na le hehpihna ahihkeileh a hoihlo nate zawh zawhna tawh kisai lung hian'nate hepkiat ding hi. Eite'n tuate sem dingin Pasian i ngakding kisam hi.





**JUSTICE**

# PASIAN' THUMAANNA

Topa in, "Mizawngte a neihsa kihawkkhia-a, mi cimawhte thuum in tau uh ahih ciang in tu-in dingin, amau' lunggulh, lungmuan'na munah amaute ka koih ding hi," a ci hi.  
(Late 12:5)




**Pasian in thu maanlote a thuaklo ahihna Lai Siangtho in kician takin gen hi. Gilkial dangtaakte ahihkeileh bawlsiat a thuakte in Pasian kiangah kiko le-uh, man takin thukhen ding hi (late 12:5).**

Cina zawngkhal thuakin a lawmte in sihna thu ah daai tak omding a lunggulh uh ciangin David in Pasian tungah kiko hi (Late 41:7-9). Amah tawh kilawmlam pulaak in, a kiko nate Pasian in za ding hi cih um in a hehpihna khutsung ah a vial hi (Late 41:4, 11-13).

Tasam mite tungah Pasian' geelna in eite tua bang ngah dingin ngen hi, cihnop na in, tuate in eite hong don' hi. **Pasian in hibang thu ah thupha pia hi (Late 41:1-3).**

Eite-in i pilna ahihkeileh septheihna suanglo in, **Pasian' theihna le vangliatna suang in nen niam nate i do ding hi. Amah bekin thutang in sem thei hi. Bawl'siatna khempeuh pen Pasian in thukhen ding ahih mah bangin bawl' siat thuak mite huh na ah zulhtat nate zong thu khen ding hi (Matt. 25:31-46).**





# MIHINGTE' THUMAANNA


"A ginalo mite le pa a neilo mite tungah thuman unla, a thuakte le a cimawhte' thu a manin khen un" (Late 82:3)

Pasian in a diakin Israel-te' thukhen pa hi-in mite' makaite tungah thukhen theihna Pasian in pia hi (Late 72:1-2).

Pasian' taang'mi/ai-awh thukhen dingin amaute "pasiante" kici hi (Late 82:1).

Hih taang'mi-te in Pasian mite sangin khengval zaw hi. Thu khen theihna a nei khempeuh i thupi ngaihsut kei zongin Pasian i thuneihna tawh a sem hi (Jn. 19:10-11; Rom. 13:1).

Amau ngahsa thu neihna in thumaanna tawh a geel theih nadingin Pasian tungah vaipuak neisak hi (Late 82:2).



Pasian in thukhen mi'pa tungah thukhen zia ding a lak hi (Late 82:3-4). Dik takin a sep uhleh, "vanglianpa' tate" ci-in kici ding hi (Late 82:6). Tua ahikhkeileh, amaute in Pasian thukhenna nuai-ah a tung ding uh hi (Late 82:7-8).

**SIN MASAKNA**

# VANGLIANPA' HEHNA

"Amaute tungah nangma thangpaihna sungsuk inla, na sinsona amaute bansak in" (Late 69:24)



Gaalte nangawn it dingin Zeisu in hong thuumna ah “na tate hong laksakin suangtumpi den’na-in a hong neihsakpa in lungdamna ngahta hen!” a ci hi. Late 137:9 – a kammalte-in eite koi bangin hong kilemtuah sak hiam?

Thukkik dingin Pasian kiangah hehpihna a ngen phat na Late in khauh in lungkiat huai hi. Adiak diak in eite hehna le thukkik theih nadingin lampi i lungsim ah a ten’dan huh ahi hi.


Bangbang ahizongin, late-atpa in amah le amah thukkik dingin cikmah in sawmlo hi. Dik takin thumaanna pen Pasian bekin sem zo in, mite-in amau sepna a dingin a kilawm piak kikna a piak ciangin tua sepnate pen Pasian kiang ah nusia ding hi.

Sia le pha pen awlno takin kingahlo ahihna thapiak na kammalte pulaaklo hi. Git’lohna in guu nei hi, Pasian hehna in tuate a zunglot dingin ahihna kician tak kimu thei hi.

# BAIKBUK

“Pasian’ biakinn sungah ka pai ciangin a thutawpna dongte ka tel hi” (Late 73:17)


Vantung Biakbuk in thukhenna tawh nai takin kizom hi. Pasian pen “cherubim tungah tu” in (late 99:1) a maang na siangtho pen mun ah, thukhenna a zozo hi (Dan. 7:9-10).



Hih mun in mawh mai sakna le thumaan kipat kikna mun ahi hi. Tua in Honpa a beel mi omlohma leh Amah a nial mite kimawh siat na a nih in a gen nuam hi (Late 1:5-6).

Teci panna singkuang ah kician takin a pulaak mah bangin, thukhenna in thukham sawm kicin sak na ahihkeileh palsatna tung ah kingah ahi hi.

Vanglianpa’ i maaisakna kician hi, Pasian silate-in thumaan takin thukhen hun ding ngak kawm sa in, a tawpna ah thumaanna kicing sak dingin a kiko hi (Late 7:6-8; 9:19; 67:4; 99:4; 135 :14).



**“Meei sungah khaaukual bangin ni taang le guah mal-te kigawm ahih manin tokhom kiimkot ah a umcih sakhi tuihup in hehpihna le thumaannate kigawmna thate a ai-awh hi. Ih kepcing ding thumaanna khat bek hilo hi; a hangin, tokhom tungah kiciamna sakhituihup i vaang tuam ding hi; mite-in thukhenna ii mawhpiakna bek a mu thei ding uh hi. Thumaanna omlo, mawhpiakna omlo hileh, Pasian ukna gam in daihna om theilo ding hi. Tua in hotkhiatna a zo sak thukhenna le hehpihna kihelna ahi hi.”**